

I BOB. 4-MAVZU

Amaliy mashg'ulot. Laboratoriya shtativi, spirit lampa, gaz gorelkaları, elektr isitkich bilan ishslash

O'rjaniladigan tushunchalar





- Laboratoriya shtativi
- Spirit lampa
- Gaz gorelkasi
- Elektr isitkich

Oshxonada qanday idish va jihozlardan foydalaniladi?


Maktabda kimyoviy tajribalar o'tkazish uchun maxsus laboratoriya idishlari, shtativ va isitish moslamalaridan foydalaniladi.

Keling, barcha turdag'i uskunalarni batafsil ko'rib chiqaylik.

Laboratoriya idishlari qaysi materialdan yasalganiga qarab shisha va chinni turlarga bo'linadi.

<p>Shisha idishlar. Probirkalar eritmalar, gazlar va qattiq moddalar bilan boradigan tajribalarda ishlatiladi.</p> 	<p>Chinni idishlar. Xovoncha va dastasi moddalarni maydalash uchun ishlatiladi.</p> 
<p>Kolbalar tubi tekis va konussimon bo'lib, ular probirkalar bilan bir xil tarzda qo'llanadi.</p>	<p>Tigel moddalarni isitish va kalsiyplash uchun ishlatiladi.</p> 
<p>Kimyoviy stakanlardan ham xuddi shu tarzda foydalaniladi.</p> 	<p>Qoshiq, shpatel quruq kimyoviy moddalarni boshqa laboratoriya idishlariga solish uchun ishlatiladi.</p> 
<p>Voronkalar eritmani tor bo'yinli idishga quyish va suyuqlikni filrlash uchun ishlatiladi.</p> 	<p>Bug'latish kosachalari har xil eritmalarni bug'latishda ishlatiladi.</p> 
<p>Pipetkalar kolbadan ma'lum hajmdagi suyuqlikni olish uchun ishlatiladi.</p> 	<p>Byuxner voronkasi vakuumli filrlash uchun mo'ljallangan.</p> 

Probirkalar uchun shtativ tajriba paytida probirkalarni joylashtirish uchun mo'ljallangan.



Laboratoriya shtativi bilan ishlash

1. Laboratoriya shtativining tuzilishi.

Shtativ – kimyoviy tajribalar o'tkazishda kerak bo'ladigan eng muhim asbob. U taglik va o'zakdan iborat bo'lib, o'zakka qisqichlar yordamida har xil halqalar, tutqich va boshqa turli moslamalar mahkamlanadi.


Taglikdagi maxsus teshikka o'zak burab kiritiladi. O'zak maxsus teshikka oxirigacha kiritilgan va mahkamlangan bo'lishi kerak.

Rasmida shtativ uchun mo'ljallangan moslamalardan 5 tasi tasvirlangan. Bunda 1 – qum yoki suv hammomi, u turli qaynash haroratida suyuqliklarni haydash, turli haroratlarda boradigan reaksiyalarni o'tkazish uchun; 2 – halqali tutqich, u turli hajmdagi tubi yumaloq kolbalarni va chinni kosalarni tutib turish uchun; 3 – asbest to'rli taglik, u tubi yassi, konussimon kolbalar, stakanlar, chinni kosachalarni qizdirish uchun; 4 – tutqich, u probirkalar, sovitkichlarni qisib ushlab turish uchun; 5 – ilgich, u turli yordamchi rezina shlang yoki boshqa yordamchi qismlarni ilib qo'yish uchun mo'ljallangan.

Moslamalar o'zak bo'ylab yuqoriga va pastga harakat qilishi yoki olib qo'yilishi, maqsadga ko'ra istagancha miqdorda o'rnatilishi mumkin. Mahkamlash yoki bo'shatish qisqichdagi vint yordamida amalga oshiriladi.

2. Shtativdan foydalanish. Laboratoriya shtativi bilan ishlashda quyidagilarga qat'iy rioya qilish zarur:

- Probirka va kolbalar tutqichga mahkamlanadi. Bunda ular qattiq qisilmaydi, sinib ketishi mumkin.
- Stakanlar asbest to'rli taglikka qo'yiladi. Bu stakan tubini bir me'yorda qizdirish imkonini beradi.
- Chinni kosachalar va tigellar halqaga to'rsiz qo'yilishi mumkin.



Spirit lampasi bilan ishlash

1. Spirit lampasining tuzilishi.

Spirit lampasi spirit quyiladigan idish (1), metall disk (2), pilik (3) va qalpoqcha (4)dan iborat.

2. Spirit lampasini yoqishga tayyorlash.

- Spirit lampasi yaroqli ekaniga ishonch hosil qilinadi.
- Spirit lampasi idishining 1/2 qismiga qadar voronka yordamida ehtiyyotkorlik bilan spirit quyiladi.
- Disksimon metall nayga ipli pilik o'rnatiladi, pilik uchi qaychi bilan qirqib tekislanadi va spirit bilan ho'llanadi.
- Spirit lampasining qalpoqchasi berkitiladi. Spirit lampasi doimo qalpoqchasi bilan berkitilgan holda turishi kerakligini unutmang!



Probirkada moddalarni qizdirish

Qizdirish jarayonida probirkadan biror modda sachrab shikast yetkazmasligi uchun probirkani isitish asbobi alangasi ustida qiyshaytirilgan, probirkaga og'zini o'zingiz va sinfdoshlaringizdan uzoqda tutgan holda qizdiring. Jarayonda probirkani pastdan yuqoriga, so'ngra yuqoridan pastga tomon ehtiyojkorlik bilan qizdiring, buni bir necha marta takrorlang. Keyin probirkada modda joylashgan qismi qizdiriladi.



Gaz gorelkalarining umumiyligi tuzilishi. Gaz gorelkalar metall nay, aralashtirgich, havo yoki kislород оқимини ме'yorlashtiruvchi halqa, gaz оқимини ме'yorlashtiruvchi qotirgichdan iborat bo'ladi.

Gaz gorelkasini yoqish va o'chirish. Halqa va vint yordamida gaz va havo оқими ме'yorlashtiriladi. Gorelkani yoqish uchun gugurt yoki yonib turgan cho'p gaz jo'mragi ochilgan holda gorelka og'ziga yon tomondan yaqinlashtiriladi. To'g'ridan to'g'ri olib kelinsa, gaz оқими alangani o'chirib qo'yishi mumkin. Havo оқими gaz to'la yonadigan qilib moslanadi. Gazning to'la yonayotganini nursiz alangadan bilib olish mumkin. Gorelkani o'chirish uchun gaz jo'mragini teskari tomoniga oxirigacha burash kerak.

Gaz gorelkasida qizdirish. Gaz gorelkasi alangasining o'rta qismida harorat ancha past, chekka va yuqori qismida esa yuqori bo'ladi. Shuning uchun qizdirish aynan yuqori qismida olib boriladi. Ochiq alangada faqat yupqa devorli kimyoviy idishlar va probirkalar qizdirilishi mumkin. Buning uchun alanga bilan oldin probirkaning barcha qismi, so'ng modda solingan qismi qizdiriladi. Stakan va kolbalar sim to'r ustiga qo'yib qizdiriladi.

Kolba uchun elektr isitkich. Tubi yassi kolbalarni isitish uchun maxsus isitkichlar bor. Ba'zi modellar ma'lum diametrlu kolbalar bilan ishslash uchun mo'ljalangan. Isitilishi kerak bo'lgan idish keramika ichiga to'liq botiriladi.

Foydalanish qulayligi uchun ko'pincha qurilma korpusida shtativ o'rnatish teshigi mavjud.




Probirka uchun elektr isitkich. Mahsulot plastmassa taglik va uchta bog'ich bilan biriktirilgan halqadan iborat. Metall silindr shaklida tayyorlangan himoya ekrani, taglik va halqaning dumaloq uyasiga kiritilgan. Himoya ekrani mahsulotning isitiladigan yuzalari bilan tasodifiy ta'sir oldini oladi. Sinov moddasi bo'lgan probirka halqaning markaziy teshigiga kiritiladi va mahsulotning istalgan holatida uchta tekis prujina bilan ushlab turiladi. Mahsulot 42 V kuchlanishli tarmoqqa ulanish uchun maxsus vilkali shnur bilan ta'minlangan.

Mahsulotning halqasida uni shtativ qisqichga mahkamlash uchun tirqish mavjud.

Isitkich bilan ishlash. Tekshiriluvchi modda solingen probirka qizdirgichga tekkuncha kiritiladi. Isitkich tarmoqqa ulanadi va himoya ekranidagi teshiklar orqali probirkada sodir bo'ladigan jarayonlar kuzatiladi.

Topshiriqlar

1. Nima uchun dastlab probirkaning hamma joyini qizdirish kerak?
2. Suyuqlik qizdirilgan probirkaning og'zi qaysi tomonga yo'naltirilishi kerak?
3. Avtomobil haydovchisi akkumulyatordagи elektrolitni o'zgartirishi kerak. Akkumulyatorda elektrolit sifatida sulfat kislota va distillangan suv ishlataladi. Eritmani tayyorlashdan oldin haydovchi xavfsizlik uchun sulfat kislotani eritish qoidasiga amal qildi: idishga oldin suv, keyin kislota quydi. Kislotani eritish qoidasi rasmida ifodalangan edi, haydovchi qoidani tushundi, lekin rasmni tushuntira olmadi. Rasmda nima ko'rsatilganligini tushuntiring.



4. Navro'z bayrami arafasida sumalak tayyorlanadi. Ushbu jarayonda qozonga tosh ham solinadi. Buning sababi nimada?

